

ويبقى الوطن
مسرحية

مفيد شفيق القنعباني

ويبقى الوطن

مسرحية

♦ ويبقى الوطن /مسرحية/.

• تأليف: مفيد شفيق القنعباني.

• الطبعة الأولى: ٢٠١٨.

• الترخيم الدولي: ISBN: ٩٧٨-٩٩٣٣-

جميع العمليات الفنية والطباعة تمت في:
دار مؤسسة رسلان للطباعة والنشر والتوزيع

جميع الحقوق محفوظة
لدار مؤسسة رسلان

يطلب الكتاب على العنوان التالي:

دار مؤسسة رسلان

للطباعة والنشر والتوزيع

هاتف: ٠٠٩٦٣ ١١ ٥٦٢٧٠٦٠

٠٠٩٦٣ ١١ ٥٦٣٧٠٦٠

فاكس: ٠٠٩٦٣ ١١ ٥٦٣٢٨٦٠

darrislansyria@gmail.com

ص. ب: ٢٥٩ جرمانا

مسرحية ويبقى الوطن

تلقي الضوء على:

تمسك الإنسان بأرضه وبوطنه وبعاداته وتقاليده الأصيلة...

الموظف الفاسد..

وذاك الإنسان المحب للسلطة والمستغل لأمواله بذلك.

سورية الأم... سامحينا... لم نوفك حقك ... سامحينا.

لأننا نكره أن نكون بلا وطن

ونكره أن نكون غرباء عن وطننا.

إهداء

إلى كل عاشق أحب صوت العصافير
ولم يقتلها وينثر ريشها المنتوف.

إلى كل عاشق لم يخف من دقات قلبه
ولم يغدر وينحر وردة جميلة.

إلى كل عاشق أحب تراب وطنه
فرسم على جبينه علم بلاده.

إلى كل عاشق أحب.. وعشق بجنون
فكتب على جدار الزمن.. جنونه.

إلى الجيش العربي السوري
زنود الوطن وحماة الديار.

إلى الشهداء والجرحى الذين رخوا بدمائهم الزكية تراب
الجمهورية العربية السورية.

ويبقى الوطن

(يدخل أبو غيث إلى خشبة المسرح... يمشي قليلاً...)

أبو غيث: إيه .. دنيا.. كل شي عم يتغير.. حتى المحبة بين الناس.. عم تتغير

صار الواحد.. بهذا الزمن اللهم نفسي...

سقى الله أيام زمان.. كان واحدنا يزور جاروا كل يوم

ويشوف أصدقائنا كل يوم... والمحبة تجمعهم...

ع الميسور يا شوية مجردة... أو طنجرة كشك ..

وكانت أي فرحة لأي واحد منا.. هي فرحة للكل..

وأي حالة حزن لأي واحد منا.. هي حزن للكل...

أما اليوم.. يا حسرتي..

الأخ ما بيشف أخوه إلا على المناسبات..

ويمكن كل أسبوعين أو كل شهر إذا صار معن وقت...

حتى إخوة أم غيث صارلن مدة طوية ما اجوا شافوا

وزاروا اختن...

والمسكينة.. أم غيث كل همها وفكرها.. ببيتها..

وأولادها..

ومعي طول الوقت بهالأرضيات.. إيدها بإيدي

مش مثل بعض نسوان هالوقت.. وين بدي جيب فسطان..

وما بروح ع السهرة بدي أعمل تسريحة لشعري...

الله يستر عليهن... والله يستر ع عيالنا

إيه دنيا... سقالله وقت ما خطبت أم غيث.. ما كانت تحط

شي ع وجهها.

تاع شوف اليوم صبايا هالوقت... دنيا .. الله يستر

عليهن... يصطفلوا..

يا أم غيث... وين الترويقة...!!

(تدخل أم غيث)

أم غيث: يا هلا يا أبو غيث... طول بالك يا أبو غيث بعد شوي
بتكون الترويقة جاهزة.

أبو غيث: هلا بأم غيث... هلا بريم الفلا.

أم غيث: صاير تحكي شعر يا أبو غيث.. وبين أيام زمان.. وقت
ما كنت تتغزل..
اسق الله أيام زمان..

أبو غيث: اني كنت اتغزل فيكي .. اني أبو غيث

أم غيث: اي نسيت حالك...

أبو غيث: عم امزح يا أم غيث بتستاھلي يا ريت كل الدنيا بتعرف
كيف قضينا ھالحياء وكيف صبرنا وكيف ربينا ھالأولاد
بدي خليك تضحكي يا أم غيث... وقت ما تزوجنا يا أم
غيث ما شفت شي على وجهك.. شوفي اليوم صبايا
ھالوقت... وشو بدي إحكي لأحكي وشباب اليوم..
الواحد.. ما بيحب الصبية غير ما تكون حاطة على وجھا
شي أخضر شي أحمر شي أسود...

أم غيث: (تضحك) أبو غيث مالك ومال صبايا ھالوقت كل شي
اتغير وزمنا.. غير.. زمنن الدنيا كلها اتغيرت.. يا أبو
غيث... لتكون بدك تتزوج بعد ھالعمر.. أو صابتك
الغيرة من صبايا ھالوقت..

أبو غـيـث: (يضحك).. له يا أم غيث.. الله يسامحك.. بس عم شوف الزمن كيف عم يتغير.
الحق معك فعلاً كل شئ تغير... حتى إخوتك من مدة طويلة ما زارونا.. يلي بشركتو... والثاني أخوك بالمعمل.. وهاك كابسي مرتوا ع نفسوا.

أم غيث: الناس بدها تعيش يا أبو غيث.. وبدها السترة...
الله يرزقهن يا أبو غيث..
والبيوت أسرار يا ابن الحلال.. البيوت أسرار يا أبو غيث.

أبو غيث: الله يرزق كل الناس.. صدقتي... البيوت أسرار.. تعبنا كل هالعمر.. من شان السترة.
أم غيث: ربنا عطاهن عقل يفكروا فيه.. وحكيت معن أكثر من مرة.. ومع نسوانن من شان يطلوا بس.. دق المي..
وهي.. مي.. يصطفلوا.. اني بدعين انو الله يوفقهن.

أبو غـيـث: ما لنا ومال الناس.. ياالله يصطفلوا.. يصطفلوا على قولتك.

أم غـيـث: اسه عم تقول مالنا ومال الناس.. وأنت ما خليت.. حدا من اخوتي إلا وحكيت عليه.
يا أبو غيث.. على بكرة الصبح.. وآخر شي يصطفلوا..

أبو غـيـث: (بصوت منخفض..) تورطنا وحكيانا.. طيب.. وينو غيث!
أكيد بعدو نايم... شباب يا عيني على هيك شباب.

أم غـيـث: لا يا أبو غيث... غيث من زينة الشباب همّة وأخلاق...
بعدين بيحقلو ينام... الرجال بلشت إجازتو... وهذا أول
يوم بإجازتو...

أبو غيث: (منادياً) يا غيث... يا غيث... فيق وتعال اشرب معي
فنجان قهوة مرّة...
يا غيث قوم تعال يا ولد... تاع شوف طعمة الهيل...
هاذي قهوي..

أم غـيـث: يا أبو غيث... لازم تقنع غيث.. أنو لازم يتزوج...
على الأقل من شان ولادوا قيس وفاطمة... وزوجتوا الله
يرحمها... ويكون مثواها الجنة... لازم يا أبو غيث تفتح
الموضوع مع غيث من جديد.

أبو غـيـث: ماتت المسكينة... إيه... الله يسامح اللي كان السبب...
الله يسامح اللي كان السبب.
ويا ريت يا أم غيث شـبابنا يكونوا عاقلين وهني عم
يسوقوا سيارتهن بالشارع.
الله يهديهن... وينور طريقهن... والله يسامح اللي كان
السبب بموتت زوجة غيث.

أم غـيـث: أخذ جزاؤه يا أبو غيث... القانون عاقبوا وحاسبوا... الله
يديم علينا القضاء العادل لأن ما في أحلى من أن يأخذ
صاحب الحق حقو... إيه.. دنيا..

أبو غيث: كلامك صحيح يا أم غيث.. لأن صاحب الحق سلطان...
الله يرحمها.. معدنها طيب.

(يدخل غيث... وقد غلب عليه النعاس.. يمشي.. متمائلا...).

غيث: صباح الخير... وبين فنجان القهوة... هات خليني شوف
قهوتك اليوم..
هات يا أبو غيث عشت..

أبو غيث: امسك.. هذا الفنجان.. وتعلم كيف بيعملوا القهوة المرّة
يا ولد..
لذة القهوه المرّة .. يا غيث إنك تحط معها شوية هيل
ناعم.

أم غيث: ايوه... بلش.. أبو غيث بالولد.

غيث: صحيح بدها هيل ناعم.. بدا بعد هيل... (يهز برأسه..
ويبدأ بالمغادرة).

أبو غيث: يا غيث.. وبين رايح... بدي احكي معك أنا وأمك.. تعال
يا غيث... يا ولد وبين رايح.

غيث: فهمان عليك يا بي... والله فهمان عليك.. الله كريم...
بس.. يجي النصيب لكل حادث حديث... والله يخليكن
فوق راسنا.. أنتو البركة.. يا أبو غيث.

أم غيث: شفت فهم عليك الولد.. قبل ما تحكي أي كلمة.

أبو غيث: تفضلي يا أم غيث اشربي هالفنجان...
أم غـيث: يا سلام.. على طعم الهيل... يا سلام... والله الحق معك
طيبة القهوة.

أبو غيث: الجو... اليوم... يعني.. حاسس انو.. بدها تمطر ...

أم غـيث: الله يسمع منك .. من شان هالزرع .. لانو الارض
بحاجة للمطر .. الله كريم
سامعة... صوت سيارة يا ابو غيث قريبة من بيتنا...

أبو غـيث: ادخلي لجوا... يا أم غيث.. مين يا ترى اللي جاي
لعنا... لعنا ولا لعند جارنا..
أهلا وسهلا ... مين ما كان.

(يتم سماع صوت الشباب من الخارج وهم ينزلون من السيارة
وتبدأ خطوات أقدامهم بالاقتراب من بوابة البيت).

أصبح الضيوف.. لعنا... يا أم غيث.. يا أم غيث... لعنا
الضيوف... جايين.

الشباب: يا عم.. يا أهل البيت.. يا عم أبو غيث.

أبو غـيث: تفضلوا.. يا شباب تفضلوا... أهلا وسهلا... حياكم
الله.
الشباب: (بصوت واحد).. صباحك بالخير يا عم أبو غيث...

أبو غيث: يا هلا... يا هلا.. حلت علينا البركة.. تفضلوا.. شرفوا...
نـادر: غيث موجود بالبيت يا عم أبو غيث.

أبو غيث: أكيد موجود... انتوا أكيد أصدقوا لابني غيث..
تفضلوا واشربوا القهوة المرة من إيد عمكن أبو غيث...
اسه.

(يصب القهوة إلى الشباب).

-----ازن: يا عم أبو غيث.. قالولنا.. انو غيث... أخذ إجازة من العمل لمدة أسبوع.

أبو غيث: أخذ إجازة.. اي.. اهلاً وسهلاً فيكم.. اسه.

(ينادي أبو غيث أم غيث قائلاً لها:)

أبو غيث: يا أم غيث تعالي وتعرفي على أصدقاء غيث وما تنسي تنادي.. غيث.

وحضروا الترويقة بسرعة.
حياكم الله.. حلت علينا البركة.
(تدخل أم غيث إلى المضافي)

أم غيث: صبحكن بالخير.. يا حياالله برفقات غيث..

الشباب بصوت واحد: صبحك بألف خير...

أم غيث: أهلاً وسهلاً فيكم يا أولادي كل أصدقاء غيث بيضحكوا..
الحيرة بوجوهكم انشالله ما في شي... طيب لروح جيب
عدة المنة اسه إلكن.. بين ما يحيي غيث.

أبو غيث: المنة اسه بلاها... بنا نتروق يا أم غيث.

نادر: ما تعذبوا حالكن... بس بحاجة لنقعد مع غيث شوي.

أم غيث: على العموم أهلاً وسهلاً فيكم...

أبو غـيث: يا الله يا أم غيث بسرعة حضروا الترويقة أصدقاء غيث
غالين عالينا.

(يذهب أبو غيث وراء أم غيث... بصوت منخفض)

أبو غـيث: خلي فاطمة وقيس يروحوا على الدكاني لعند الشيخ
سعود ويجيبو خبز وشوية فواكه.
أم غيث: المصاري منين يا أبو غيث... (بصوت منخفض..).

أبو غيث: خلي فاطمة تقول للشيخ سعود يسجلهن عالدقتر... بعدين
لا تنسي الموسم.
ع البيدر صار

(يعود أبو غيث إلى الشباب)...
حياكن الله ..

مـازن: تأخر غيث...

أبو غـيث: أهلا وسهلا فيكن يا شباب صدقوني يا شباب ما في
مثل هذاك الزمن الي كنا عايشين فيه كنا نفلح الارض
ونزرعها ومصدر رزقنا كان كلو ع البيدر... تغير
الزمن وتغيرت الدنيا بس ظلينا محافظين على عاداتنا
وتقاليدنا يا حسرتي اليوم كل شي اتغير... عليها على
الله ... أهم شي انو تظل المحبة تجمعكن.. يا هلا والله
بأصدقاء غيث... حياكم الله.

(يدخل غيث في هذه اللحظة)

غـيـث: صـبـاح الخـيـر... كـيـفـكـن يـا شـبـاب... حـيـا كـم الـلـه.. أهـلـا وسـهـلـا
فـيـكـن.

(الشباب بصوت واحد...): أهـلـيـن بـالـأـسـتـاذ.. غـيـث... أهـلـيـن.

أبو غـيـث: هـذا صـديـقـكـم غـيـث.. يـا شـبـاب.

جـاسـم: كـيـف الـحـال يـا أـسـتـاذ غـيـث.

غـيـث: الـحـمـد للـه بـخـيـر... وكـيـف أحوـالـكـم انـتـو...

نـاـدـر: مـسـتـورـة يـا أـسـتـاذ.. مـسـتـورـة.. نـحـنا يـا أخ غـيـث مـن جـمـعـيـة
خـيـريـة وعـم نـحـاول نـسـاعـد الـفـقـرا والمـحـتـاجـيـن يـلـي ظـرـوفـن
صـعـبـي.. و بـدنا نـروح نـحـنا وأنت لـعـند أكـثـر مـن وـاحـد
بـقـريـتـكـن.

غـيـث: أهـلـا وسـهـلـا فـيـكـن والـلـه يـعـطـيـكـن عـلى هـوـات نـيـتـكـن.

أبو غـيـث: (يـتـوجـه بـاتـجـاه الشـبـاب)... كـعـادـتـو غـيـث يـيـحـب المـزح

...
أكـيـد يـا ابـنـي ربـنا رح يـعـطـيـهـن ع هـوـات نـيـتـن.
واسـه يـا شـبـاب... خـذوا راحـتـكـن مـع صـديـقـكـم غـيـث...
الـبـيـت بـيـتـكـم.. حـيـا كـم الـلـه.

نـاـدـر: بـدنا نـطـلـع اسـه يـا غـيـث.. ونـسـتـغل الـوقـت.. و بـعـديـن بـنـرحـع.

غـيـث: يـا شـبـاب والـلـه اسـه بـكـيـر... بـس صـدقـونـي مـش عـار فـكـن.. لا
تـواخـذونـي.

مـن أي جـمـعـيـة خـيـريـة انـتـو... طـيـب ع الأـقـل خـلـينا نـتـروـق
لـنـقـول صـار بـيـنا خـبز وملـح.

مازن: ما تقلق يا غيث... مش رح نتأخر..

غـيـث: ... طيب... خـلينا نقوم بواجبكم..

جاسم: يا غيث... بعد شوي بنرحع...

غـيـث: يا ببي أنا مع الشباب... وبعد شي ساعة ونص راجعين..

(من وراء الستارة.. يتم سماع.. صوت أبو غيث قائلاً: لا تتأخروا.. يا غيث.. الأكل صار جاهز... الله يحميكن...)

(يتم سماع صوت تشغيل السيارة... وانطلاقها...)

(يدخل اثنين ممن يؤيدون الحملة الانتخابية للمرشح السيد/ أبو سالم... وهما شاكر وحامد)

(وفي إحدى الزوايا لافتة كتب عليها... انتخبوا الضمير الصافي أبو سالم).

(يدخل شاكر أولاً.. يتأكد من الطريق.. ويراقب المارة.. كونه الساعد اليمين للسيد/ أبو سالم).

شاكر: (بأعلى صوته). أبو سالم يا صنديد أنت مرشحنا الوحيد.
أبو سالم يا صنديد أنت مرشحنا الوحيد.

(ثم.. يدخل حامد.. ويرد وراء شاكر..).

حامد: وين السكر.. وين وين.. بوسالم يا رمش العين..
وين السكر وين وين.. بوسالم يا كحل العين.

(يرد شاكر وراء حامد ما يقوله...).

(يدخل في هذه اللحظة... المرشح أبو سالم... شامخاً.. يرفع يديه
إلى الأعلى).

أبو سالم: شكراً... شكراً.. يا شاكر..
شكراً.. يا حامد.

شاكر: الله يطولنا بعمر ك شفت اليوم صورتك
بالجراند... يا سلام وأنت عامل إيدك.. وماسك القلم
هيك لفوق... الله ما يحرمننا منك.

حامد: الله يطولنا بعمر ك.. الصورة الأحسن والأجمل وأنت ماسك
القلم بالجريدة الثاني وعم تفكر بهموم الشعب وبالجريدة
مختارين المكان المناسب لنشر صورتك... يا سلام عليك
وأنت عم تفكر بهموم الشعب.

أبو سالم: بهموم مين..

حامد: هموم الشعب...

(ويضحك حامد.. وشاكر..)

(حامد يتحدث مع شاكر بصوت منخفض:)

مين يلي كتب إلك الهتافات..

شاكر: (بصوت منخفض) لحالي كتبتن.. أما أنت فعلاً هتافك وين
السكر وين .. وين.

أبو سالم: انتبهوا مليح شو بدني أحكي... لازم انتو أول شي تعرفوا
برنامجي الانتخابي.
من شان تعرفوا كيف بدكن تساعدوني.. وممكن كامل
الصلاحيات.

شاكر: تفضل الله يطولنا بعمر ك عرفنا على برنامجك الانتخابي...
من شان نشوف حدا يعملك خطاب ما في منو. من شان
تلقيه بافتتاح المقر الانتخابي. ول لازم تلقى كلمتك بالمقر
باللغة العربية الفصحى... من شان الناس تصدق انو
عندك برنامج عمل وإنك مثقف ومتمسك بلغتك
العربية... ويكون خطابك بصوت قوي...

أبو سالم: شاكر.. خليك على الطريق.. انتبه.

شاكر: قصدي انو الناس بتفرح بس تعرف انو مرشحها عندو
برنامج لازم يسعى لتحقيقوا... يعني مش حبر ع ورق ..

أبو سالم: في الحقيقة . الشباب المثقفين .. اللي بعرفهن. قالوا من
شان اهتم ببعض الشغلات.
وكتبوا لي ياهن على هالورقة وهذول هني.

(يسحب الورقة من جيبه ويقراؤها مع التشكيل).

١- الاهتمام بالتنمية الزراعية وبالفلاحين ودعم المشاريع
التنموية.

٢- الاهتمام بالتعليم وتطويره.

٣- العمل على تشجيع الاستثمار واستقطاب رؤوس الأموال.

٤- العمل على تعيين الرجل المناسب في المكان المناسب.

٥- العمل على منع أغاني الفيديو كليب على المحطات
الفضائية المحلية لبعض المطربات اللواتي لم يجدن أقمشة
يشترونها من سوق القماش.

٦- مساعدة أهل منطقتي في توظيف أبنائهم.

شاكر: أبو سالم الله يطولنا بعمرك... ومن شان تهريب المازوت
والبنزين شو رح تعمل.
أو شو رح تقول للناس... ومن شان ارتفاع الأسعار عند
التجار شو رح تقول للناس.

أبو سالم: الله يسامحك يا شاكر أنت وحامد... ما بتعرفوا انو تهريب
المازوت من أولوياتي.
ومن شان ارتفاع أسعار السلع عند التجار.. فالتجار هني
وقودي وزادي وقوتي.
رح احكي اذا نجحت بالمجلس مع وزارة الإعلام من
شان ما تبث أغاني الفيديو كليب لبعض المطربات يلي
الفقر أكلن أكل.

شـاكر: (يهمس بأذن حامد)... يا ابن الحلال.. أبو سالم.. ربيع
قلبوا.. يشوف مثل هيك أغاني... لا تخلينا نحكي كل
الحكي.. لا تخلينا نحكي..

أبو سالم: خلص... رقم خمسة بلاه من شانكن هه... بس بدي منكن
انو تكون صوري بكل مكان... بكل ساحة... على
الحيطان.. فوق الشبايبك... في المقاهي.. فوق الشجر...
على السيارات..

حامد: نياهن الحاددين.. وبياعين الأقمشة... والخطاطين...
فعلاً رزق الناس ع الناس.

شـاكر: تكرم.. يا ابوسالم نحنا حاضرين.. بلكي بس تصوير فوق
.. .. يصير عنا سند.

أبو سالم: (يقول بنفسه: ليش بس صير فوق راح شوف أشكالكن..
فعلاً أنتو مساكين).

حامد: الله يطولنا بعمرك.. كثير من الناس.. عم نسمع منن..
بدن يرشحوا أبو مشاري...

أبو سالم : بلا أبو مشاري.. بلا بطيخ مسمر... مين هوي أبو
مشاري معكن الضو الأخضر.
عطوا اللي بتشوفوا... على الصوت عشرين ألف ليرة..
الناس جو عاني...

شـاكر: يا أبو سالم.. الله يطولنا بعمرك ارتفع سعر الصوت
وصار ب خمسين ألف.

(يؤشر باتجاه حامد على تقاسم المبلغ الزائد عن سعر الصوت بالنص).

أبو سالم: مش مشكلة الفلوس.. المهم الحصول على الأصوات..
لأن كل صوت إلنا.. راح بيعود بالمنفعة على مصلحة
البلد. شوفوا شغلكن. اسه أني رايج.
جهزوا حالكن بكر..
بكر لازم نفتتح المقر الانتخابي..
وبعد ما نفتتح المقر بتدعوا الناس على حفلة العشا..
خليهن ياكلوا.. ويفرحوا.

(يقول بنفسه:)

يا حرام بدن ياكلوا بفلوسهم .. خليهن ياكلوا .. خليهن
ينبسطوا

(يرن هاتف أبو سالم.. ترن.. ترن ترن ...)

شو بدو أبو صقر.

(يرد.. على الهاتف..)

هلا.. هلا والله.. حيا الله خي أبو أسامة.. وينك يا ابن
الحلال.. كيف عيالك... أنت بتأمر.. يا أبو أسامة... خلص
اعتبر الموضوع منتهي.
ابن اخوك اعتبروا توظف بهاليومين.. بنا خدمة.

(يذهب أبو سالم)

حامد: اسماع يا شاكر...

بكرا إذا صار أبو سالم عضو بالمجلس يعني يا صديقي
بصير إلنا سند فوق ومين يحمينا... ساعتها راح تشوف
صديقك حامد فوق فوق.

شـــــاكر: فوق فوق... يعني بدو يصير معنا فلوس كثير... كيف يا
حامد.

حامد: يا شاكر اثنيينا بمركب واحد... في عندي فكرتين كثير
حلوين.

شاكر: يعني بدنا نلعب بالفلوس لعب.

حامد: أول فكرة محسوبك بدو يأسس شركة.. وإذا الله عطاني
عمر.. يا رب تعطيني عمر.. رح نلعب بالمصاري لعب
وأنت يا شاكر راح تشتغل بشركة أبو صفوان.
واسه خاينا نشوف شغلنا من شان يصير أبو سالم فوق...
فوق بالعلالي.

شاكر: يعني بدنا نقبر الفقر... يا سلام.. يا سلام... بلا ضمير..
بلا بطيخ مسمر.. أهلين ضمير..
أهلين بالضمير..
رح نقول يا حامد وداعاً للضمير..
باي يا ضمير.

حامد: شفتوا.. بالكراج... ما حدا اشتراه... قال ضمير... أهلين
ضمير.. الله يرحموااا.

(يخرج شاكر وحامد وهما يضحكان)
(يتم سماع صوت السيارة وقد توقفت.. يتم سماع صوت الشباب..
بسرعة..)

(يتم ظهور غيث على خشبة المسرح.. وقد تم ربط قطعة من
القماش السوداء على عينيه)

(يتم تهيئة خشبة المسرح وكأنها قد اعدت لاستجواب متهم ما.
يدخل غيث وقد أمسك به أحدهم)
غيث: يا شباب علموني شو عامل.. بدي أعرف... قلتو ع
أساس من جمعية خيرية وبدكن تساعدوا الفقرا
والمحتاجين.

نادر: ليش بعد في خير.

مازن: بدو يتم توجيه الك بعض الاسئلة وبعدها بترجع على
البيت ويتشوف أهلك وأولادك.

غيث: يا حيف ويا عيب الشوم عليكن.. ع أساس انتو ولاد
بلدي... وأمنت فيكن..
وبنا نعمل واجب الكن.. شي بيضحك والله ع هيك
شباب.. بس يا حيف عليكن.. يا حيف.
لهدرجة أنا مجرم خطير ومش عارف عن حالي.
وبعدين ما في داعي لقطعة القماش اللي على عيوني..
فعلاً يا حيف - حاسس حالي شي إرهابي كبير.. شي
بيضحك والله...

(يدخل سالم ابن أبو سالم المرشح في هذه اللحظة)

سالم: كم عمرك يا غيث.

غيث: خيلني شوف حضرتك بقلك قديش عمري.
سالم: يعني قطعة القماش السودا خلّتك ما تعرف قديش عمرك.

غيث: (يقول بنفسه: هالصوت مو غريب عني.. بيشبه صوت
سالم ابن المرشح أبو سالم).

سالم: الظاهر أنت بتحب تراب البلد كثير

غيث: البلد هي أهلي وروحي.. هي الخير والوفا.. مش مثل
جمعيتكن الخيرية.. حير على ورق
يلي عملتوها حجة علينا من شان اقنتع واطلع معكن ...

سالم: وين زوجتك.

غيث: (يقول بنفسه: والله صوت سالم ابن أبو سالم..)
زوجتي.. ماتت.. من ثلاث سنين بحادث سيارة ع شارع
المحوري... شب طايش كان عم يسوق سيارتو
بجنون...
بعدين.. اسه أخذتوني من بيتي من شان هيك سؤال...
شي بيضحك..
وين جمعيتكن الخيرية؟

سالم: اخرس..

غـيـث: ما رح اخرس.. وبعدين معكن... شو بدكن مني قولوا..

سالم: رح قللك شو بدنا منك... من مدة يومين كنت أنت سهران في إحدى المضافات... وراح خيالك لبعيد كثير.. وصرت تتحدث عن بعض الوزراء.. وكيف عم يتم التعاطي بالأمر العامة وكيف لازم الوزير الفلان يشتغل.. وكيف لازم الوزير فلان يتصرف... وكيف لازم تعمل وزارة الشؤون الاجتماعية والعمل... وعن المحافظ يلي ما ساعد ولاد عمك باشهار جمعيتين الخيرية.

أنت حلمت.. أحلام كثيرة... وصار لسانك ياخذ ويعطي.

غـيـث: يعني الأحلام ممنوعة... ليش مين أنت... بس صدقتني إذا كنت أنت ضابط أو كنت عنصر بالأمن... صدقتني بقولها بأعلى صوتي بلدي بحبها... بعشقها... وكل ذرة تراب فيها خير وبركة.. ولا تفكر انو خايف منك ومن أمثالك بس اللي بعرفوا انو صوتك مش غريب عني.. (بصوت مرتفع وبتعجب) بس.. يا حيف عليك أنت أكيد... سالم ابن المرشح أبو سالم... بس يا حيف..

يا حيف عليك يا سالم تستغل الناس... وتجيب شباب وتتفق معن من شان تاخذوني من بيتي.

سالم: اخرس.. اخرس..

(يؤشر سالم إلى كل من نادر ومازن ويأمرهما بأخذ غيث ويتكلم معهما بصمت... ومن خلال إشارات يتم الانتهاء من الموضوع.. بعدها. ليعود غيث إلى أهله).

(يمسك نادر ومازن.. غيث..)

غيث: اللي ما فيه خير لأولاد ديرتوا وأهلوا... ما في منوا
خير لأهله وعيالوا...
ويلي مثلكن خربوا البلد... شوفوا البلد شو صار فيها من
ورا أمثالكن.

نادر: اخرس وبلا كلام طالع نازل..

مازن: خلينا يا شباب ناخذوا ونسلموا للمسلحين.. وهيك والدوا
على الأقل بيع أرضو... وبنفق معن انو.. يكون إلنا
حصة بالمبلغ.

نادر: والله فكرة... شو رأيك يا سالم.

غيث: يا شباب أسهل شي عليكن... رصاصة بس.. وبتخلصوا
مني.. وفش داعي تسلموني للمسلحين.. رصاصة...

مازن: اخرس.. يعني مش خايف ع حالك..

سالم: لا ما في داعي خلوه يروح لعند بيت أهلوا.

غيث: (باستهزاء) فعلاً إنك ما قصرت يا سالم... بس يا حيف.
يا حيف ع ولاد بلدي يلي ما احترموا حالن.. وما
احترموا المضافات يلي فتحت أبوابها إلن.. ولاد بلدي
يلي عم يطعنوا بلدن..

(ويخرج الجميع)

(يدخل أبو غيث... وعلامات القلق.. على وجهه.. فلقد تأخر غيث).

أبو غيث: ما في بالعادي يتأخر غيث عنا وعن ولادوا كل
هالوقت... يا ترى أنت وين يا غيث.
يا رب تسترها... يا رب تمضي هالنهارة على خير... يا
رب سترك.

(يمشي أبو غيث.. في حيرة من أمره...)

(وتدخل فاطمة ابنة غيث وعلامات الحزن والقلق تبدو على وجهها
لتأخر والدها).

فاطمة: جدي.. يا جدي.. تأخر بي.. ما بدو يجي.. ما إلو
بالعادي يتأخر هيك.

أبو غيث: تعالي يا عيون جدك. وروح جدك. والدك يا فاطمة..
رجال. واسه انشالله بيرجع
وبكرا انشالله بتروحو ع مدينة الملاهي.. وع السوق..
أنت وأخوك مع أبوك...
ورح تجيبو لجدك وستك.. كنافي وهريسي لانو يا جدي
يا فاطمة ما عندي سنان.

فاطمة: (تضحك) تكرم يا أطيبي جدي.. وأطيبي كنافي انشالله
وبعرف يا جدي انو والدي رجال وبعدين يا جدي..
احزر.. أنت بتشبه مين..

أبو غيث: مين يا جدي... (علامة الابتسامة على وجهه..)

فاطمة: انت بتشبه يا جدي... الأرض.. هيك بحس .. لانو..
فيها حنان.. والطيبة وفيها العطاء
وأنت يا جدي بتعطي مثل الأرض وبتعطي من غير
مقابل.
ما بتطلب من حدا. أنت يا جدي هيك... بدسك.. وبدسك
كمان مثل النخلة شامخة..
ما تضحك علي.. يا جدي. اني حاسه رح تضحك علي
كلامي.

أبو غيث: يا جدي الأرض هي البلد والعرض ومين قللك انو راح
اضحك عليك. بالعكس اني فرحان منك كثير لانو..
جيلنا.. يا جدي. متعلق بالأرض.. والأرض.. وطن..
وشجرة النخيل يا جدي بتعني الشموخ... ولازم نحنا
وكل أهل البلد نتمسك ونتشبث بأرضنا لانو أرضنا
عرضنا ويلي ما عندو شرف وعرض وأرض... ما إلو
أي قيمة.

فاطمة: شفت يا جدي أصبح إحساسي صح... سامع يا جدي
هالصوت.
أبو غيث: هذا صوت أبو سالم يا جدي. ما اليوم بدو يفتتح مقروا
الانتخابي بمنطقةنا من شان البلد تستفيد من خدماتو..
بس الناس يا جدي صارت تعرف الحرامي وصارت
تعرف مين بيحب البلد ومين حريص ع البلد... تعالي يا
جدي. نقعد هون. ونسمع خطابوا.. وكلماتو..
هالحرامي.. ايتمه يا جدي بنا نخلص من حرامية هالبلد..
ايتمه.
تعالي معي يا جدي.. لننسمع.. واسه انشالله بيرجع بيك..
ما تقلقي يا جدي.. تعي.

فاطمة: يعني بيسرق أبو سالم.. وما بيحب الخير لحدنا.. هيك
قصداك يا جدي تقول...

أبو غيث: هيك قصدي يا جدي.. اي.. يلي ما فيه خير لعيال
ديرتوا.. وما فيه خير لوطنو ببيكون فاسد وما عندو أصل

(يتم سماع صوت أبو سالم وهو يفتتح مقره الانتخابي)

(صوت أبو سالم من وراء الستارة قائلاً:)

أبو سالم: أنا منكم. وطريقكم.. هو طريقي.. وأحلامكم هي..
أحلامي.. نعم أرجو منكم المساندة حتى أستطيع تحقيق
أحلامكم وإيجاد الحل المناسب لمعاناتكم... إن الثقة التي
سوف تمنحوني إياها هي ثقة غالية على قلبي.. وهذه
الثقة سوف تفتح لنا كل الأبواب المغلقة وسوف تنير لنا
الدرب والطريق من أجل خدمة أبناء بلدي.. ولن أخفي
عليكم لن أتحالف مع أحد لانيو الخطة اللي رسمتها..
أقصد النهج الذي أريده هو الارتقاء بالمسؤولية تجاه أهل
بلدي وكلّي أمل أن تكون المنافسة نزيهة وراقية وأن
تكون الظروف المحيطة بالمنطقة اليوم تساعد على...

(يتدخل بالحديث أبو غيث..)

أبو غيث: فعلاً أنت رسمت خطة يا أبو سالم. بعدك مثل ما أنت.
الزمن بيتغير وأنت ما بتتغير.. بتحب تطلع لفوق ع ظهر
الناس. من شأن مصالحك. اللي مثلك بعمرن ما حبو
البلد.

صحيح الناس يا جدي ... الفقر والجوع خيم عليهن...
بس الناس عندها كرامي ومش كل الناس بتبيع البلد
بالمصري... عند الناس الشرفا النظيفة المصري
بتصير وسخ قدام حب البلد.

فاطمة: جدي.. يعني أبو سالم عم يضحك على الناس بس
ليطلع لفوق .. ويصير إلو كلمة.

أبو غيث: يا جدي... أبو سالم وأمثالوا بيحبوا مصالحن الشخصية
بس... يعني بيحبوا ياخذوا كل شي... بس.. ما بيعطوا
شي.. لانو الطمع... صار بدمهن.. والمصري خلتن ما
يشوفوا هموم الناس

(يستمر أبو سالم بكلمته من وراء الستارة.. قائلاً:)

أبو سالم: إن هذه الثقة التي سوف تمنحوني إياها هي أمانة في
عنقي. من خلال هذه الثقة سوف نعالج البطالة ونعالج
المشاكل الصحية ومشاكل التوظيف وسوف أسعى
جاهداً إلى تفعيل الاستثمار لمزيد من الانفتاح
الاقتصادي... وسوف أسعى جاهداً.. مع الجهات المعنية
إلى تطوير التعليم والتي تركز عليها العملية التربوية
التنموية والاقتصادية.. وسوف أسعى جاهداً إلى تفعيل
دور المرأة في كل المجالات.. لأنها نصف المجتمع...
نعم.. نعم... المرأة نصف المجتمع... وسوف

(يتدخل أبو غيث... وما زال يستمع مع فاطمة إلى المرشح أبو
سالم..)

أبو غيث: يا جدي.. يا فاطمة.. شو عم يحكي.. أبو سالم..

فاطمة: يا جدي.. عم يحكي.. انو .. بدو يساعد النسوان بكل شي .. إذا نجح لانو عم يقول انو المرأة نص المجتمع.
أبو غيث: مقصوف الرقبة.. ما هوي.. من شهرين طلق مرتو
بالثلاثة... يا حبيبي يا هالمرشح
من شهرين يا جدي... اي.. تزاغل مع مرتو بسوق
الخضرا..
وطلع صوتن قدام كل الناس.. وطلقها بسوق الخضرا..
الله لا يوفقو.. طول عمرو نسونجي..

فاطمة: قصدك تقول يا جدي.. انو بيحب النسوان.

أبو غيث: (يضحك) مقصوف هالرقبة.. بسوق الخضرا حدا
بيتزاغل مع مرتو وقدام الناس.

فاطمة: وبعدين أبو سالم عم يحكي باللغة العربية الفصحى.

(ويستمر أبو سالم من وراء الستارة... قائلاً:)

أبو سالم: نعم لن أنسى هذه الثقة التي سوف تمنحوني إياها.. إنها
وسام على صدري.. نعم، إنها وسام على صدري...

أبو غيث: يا جدي... يا فاطمة.. شو بو.. عم يقول ثقة .. سمعت..
(ويضحك)

مش عارف مين يلي رح يثق بهيك مرشح.

فاطمة: عم بيقول انو الناس.. اللي بتحبو... وبدها تصوتلو.. انو..
مش راح ينساهن..
أكيد يا جدي... في ناس رح تصوت الو...

أبو غيث: تعالي يا جدي... تعالي معي.. نشوف سترك أم غيث..
يلي مثل هالمحتال بعمرؤا ما بيحس وبعمروا ما بيعرف
قيمة محبة الناس لبعضها البعض..
تعالي يا فاطمة... أهل الديرة بحاجة لواحد محترم
ونظيف ويخدمهن بنزاهة مش واحد نصاب وحرامي.
تعالي يا جدي... تعالي.

(يخرجان)

(يدخل أبو مشاري)

(يناديه من خلفه أبو ضاري...)

أبو ضاري: يا أبو مشاري... يا أبو مشاري.

أبو مشاري: تفضل يا أبو ضاري شو بدك تقول.

أبو ضاري: يا أبو مشاري خيلنا نطبع شوية صور إلك ونشوف
شي خطاط من شان...
أبو مشاري: إياك يا أبو ضاري لا تطبعوا صور إلي ولا شي ولا
تعلقوا لافتات ولا شي.

أبو ضاري: يا أبو مشاري الله يخلينا ياك... ما.. ما... ما

أبو مشاري: يا أبو ضاري اللي بدو ينتخبني من محبتو لأفكاري
وأخلاقي أهلا وسهلا فيه لأن المحبة.. يا أبو ضاري ما
إلها دخل بالصور ولا بالإعلانات ولا بالكلمات الرنانة
والخطابات... اللي بيحبك يا أبو ضاري هوي اللي
بيريدك... لانو بيعرف معدنك.. فهمان شو قصدي.. يا
أبو ضاري.

أبو ضاري: صدقت يا عم أبو مشاري.. بس اني كان بودي...

(يقاطع حديثه أبو مشاري)

أبو مشاري: جهزوا الخيمة بس... من شان بكرنا نستقبل الناس.

أبو ضاري: تكرم.

أبو مشاري: بعرف قصدك يا ابن الحلال ومن غير ما تحكي... يا
أبو ضاري اني حطيت عهد على نفسي بدي واجه كل
فاسد وكل مقصر بحق هالبلد لانو بلدنا يا أبو ضاري
بتستاهل كل خير هي الأم وهي الولد وهي الوطن وهي
السند.. إذا الله وفقتي ونجحت.

أبو ضاري: الله يعزك يا عم أبو مشاري ويخليك للبلد من شان هيك
الناس بتحبك يا أبو مشاري لأن الصوت القوي والأصيل
واللي معدنو ذهب ما بينخاف عليه من الصدا..
والبلد يا أبو مشاري.. بتكبر بالناس يلي مثل أمثالك.

أبو مشاري: يا أبو ضاري البلد بتستاهل الروح.. آلاف الشهدا
استشهدوا غير الجرحى والمصابين وغير المخطوفين
والمفقودين وكلن بيحبو البلد من شان هيك بيني وبين
نفسي عهد لازم نواجه الفساد والفساد والمرتشى
والسارق والمهمل بأداء وظيفتو والمقصر بأداء واجبو
بعرف انو بلدنا بتستاهل الخير وكل الطيب.
بتستاهل يا أبو ضاري.

من كل معلم ومعلمة أداء أفضل بالتدريس من شان أجيال
الوطن تكبر وتحمي وتصون تراب البلد.
وبعرف انو بلدنا بتستاهل من كل موظف في وظيفته انو
يقوم بوظيفته على أكمل وجه وبدون تقصير..
وبعرف انو بتستاهل من كل موظفي البلدية وكل وزارة
انو يسهلوا إجراءات المراجعين وفق القوانين والأنظمة..
وتصير المنافسة بين كل الشركات منافسة شريفة لأن يا
أبو ضاري بعض رؤساء البلدية وبعض الوزارات
بهالبلد، البلد وين وهني وين رايحين.

وبعرف شو عم بيصير بالشركات اللي عم يتم تصنيفها
واللي عم يتم ترسية المناقصات عليها... حدث وبلا
حرج

هذا غير المشافي الخاصة يلي كل همها المصاري
وبس..

يا أبو ضاري... تصور انو ابن عمي دخل ع مشفى
خاص ليعمل عملية مزع بس طلع من المشفى... نتيجة
خطأ طبي وللأسف الشديد.. أخرس معش يقدر يحكي
معش عرفنا الخطأ من مين من طبيب التخدير ولا من
الطبيب يلي عملو العملية.
هذا واقع حقيقي.. مش مجرد كلام.

هذا كوم وغلاء الأسعار بالسوق كوم ثاني.
تصور يا أبو ضاري سعر ربطة البقدونس مثلاً ارتبطت
بسعر الدولار..
وبلدنا بأزمة... هيك بدن تجار الأزمة.
بس نسوا تجارنا انو طعام الجندي عنا كان بهالازمة
بصلي وحبطة بطاطا وكم حبة زيتون..
شو بدى احكيك يا أبو ضاري... شو بدى احكيك ما
بيخلص الحكي..

أبو ضاري: الله يطول بعمرك... لانو.. البلد.. بتستاهل كل خير.
واللي مثلك يا أبو مشاري بيستحقوا الاحترام والتقدير...

(ويتم دخول شابان أصدقاء مشاري)

قاسم ولؤي: (بصوت واحد): السلام عليكم.

أبو مشاري: يا هلا ومرحبا بأصدقاء الغالي.. كيفكن يا شباب كيف
أحوال أهلكن .. وجوهكن مش كثير... مش بالعادي
انشالله خير.

قاسم: يا عم أبو مشاري.. مش عارف كيف بدى احكي اني
ولؤي.

أبو مشاري: احكي يا قاسم قول - احكي يا لؤي - احكوا.

لؤي: يا عم أبو مشاري اتصل واحد على هاتفي من
هاتف مشاري وقال انن خطفوا مشاري.

أبو مشاري: شو... شو عم تحكي ابني مخطوف.. مشاري.

أبو ضاري: لازم نخبر فضيلة المشايخ..

لـ.....ؤي: وقال انن بدن عشرين مليون.. وبعد يومين رح يتصلوا من شان يستملوا المبلغ حسب المكان يلي هني بيحدوده ولساعتها رح نننظر الاتصال.

أبو مشاري: يا حيف.. يا حيف ع هالزمن.

أبو ضاري: يا عم أبو مشاري لازم نشوف الغانمين من شان نجمع المبلغ.. يمكن يتصلوا بأي وقت واذا ما كان المبلغ جاهز رح يقتلوا مشاري لا سمح الله.

أبو مشاري: لا يا أبو ضاري... ما راح اجمع مصاري ولا راح احكي مع حدا من شان ابني.. ابني مش أعلى من دم هالشهدا يلي راحت في سبيل هالبلد.. وياما مسؤولين من المحافظة ومن غير المحافظة انخطفوا وماتوا بس ظلت راياتن شامخة وبس نقول عن الارهاب انو ما إلو دين ولا إلو وطن الطرف الثاني من المعارضة يلي معتبرين حالهن معتدلين بيضحكوا علينا.

أي يا أبو ضاري... الإرهاب ما إلو دين ولا إلو وطن.
ثقافة فكر عند الإرهابيين الهدف منو وصول الإرهابيين
لأهداف عن طريق القتل والجوع وتخويف الناس.

قاسم: بس هذا ابنك يا عم أبو مشاري.
لؤي: والنشاما كثار واهل النخوه كثار هيك تربينا وھيك تعلمنا
منكن.

أبو مشاري: يا ولادي اسه انتو تسهلوا على شغلكن ويلي كاتبو
ربنا رح يصير الله معكن.

(يذهب قاسم ولؤي)

أبو ضاري: طيب خلينا نخبر الشرطة والجهات الأمنية..

أبو مشاري: بس يحسوا انو خبرنا الشرطة والجهات الأمنية رح
يقتلوا ابني.

يا أبو ضاري لو الله رايد انو ابني يرجع.. رح يرجع
وملايين ما في معي.

ورح نضل أقوى من إرهابن.. ودينا وكل الديانات
السماوية بريئة منن.

لانو كل الديانات السماوية دعت إلى المحبة والخير والسلام..

اسه كيف بدي خبر أم مشاري الله يساعدها على هيك خبر.

تفضل يا أبو ضاري خلينا نروح ع البيت اسه.

(يتم الخروج)

(تدخل فاطمة... ويبدو على وجهها علامات القلق بسبب تأخر..
والدها)

فاطمة: الله يجيب العواقب سليمة يا رب.. هيك بتقول ستي..
طيب ما إلو بالعادي بيي... يتأخر كل هالوقت عن البيت
وين أنت. وين يا ترى. يا أبو قيس.. معقول يا فاطمة
يكون أبوك عم يبحب شي وحدة... معقول ونص...
وصرلوا ثلاث سنوات من دون زواج... أو معقول تكون
شي وحدة عم تخطط لتوقعوا بشباكها... لا.. لا...
اصحي... يا فاطمة... أبوك... غير هيك... أبوك إنسان
عاقل... وراشد... وبالغ...

(ما زالت تحاكي نفسها)

طيب من حقو أن يعيش ويشوف حالو ويتزوج ويحس
بالسعادة... لانو... مثل ما بيقول جدي... الزوجة سترة
للرجال... وبعدين... يا ريت كل الناس عندها أب مثل
والدي.. حنون... واليوم... راح قول لجدي وجدتي من
شان يقنعوا والدي بالزواج...
(وتبدأ تنادي)

يا جدي... يا ستي... وينكم..
(يأتي الجد.. أبو غيث... أولاً...)

تفضل... هلا... هلا... يا جدي... اسه بتعرف شو بدتي...
هلا.. وين ستي.

أم غيث: هون... يا فاطمة وين بدتي كون.

فاطمة: تفضلي... يا ستي... لهون... استريحي.

أبو غيث: عسى خير... يا بنيتي.. شو بكى... حائرة... قولي.

فاطمة-----ة: اسمعوني مليح يا جدي... يا ستي... اسمعوني مليح...
أنتو بتحبوا... ابنكم غيث... سمعوني... صوتكن...
بتحبوه.

أبو غيث وأم غيث: يا بنت... أكيد... بنحبوا... ونحبكم أنت وقيس
كمان.

أم غيث: البنت... صار لعقلها... شي.. تعي لعندي يا فاطمة تعي
يا ستي لسميلك شوي.

فاطمة: طيب... ما زال بتحبوا والدي... بترجاكم خلوه يتزوج...
بدي شوف والدي سعيد بحياتو وأنا ما عندي مانع...
بترجاك يا جدي... قول لابنك وافتح معو الموضوع...
ولا تقولوا... عني.. طفلة... أنا تربايتك يا جدي
وتربايتك يا ستي... يمكن أنا طفلة بنظركم... بس بعرف
بالأصول... لأنو حنانكم وعطفكم كانوا إلنا الدوا...
وكننوا اللي ولأخي قيس الحزن الدافي. ويمكن إذا
تزوج والدي.. وانشالله تكون زوجته مليحة بالنسبة إلنا.
ساعتها بنحطها فوق الراس وجوات عيوننا ورح كون
إلهاخدمة بعد.

بس من شأن عيون والدي... وإذا كانت زوجته مش
مليحة معي ومع خي.. ساعتها هي بحالها... وإحنا
بحالنا... وبعدين بيكون القرار لوالدي...
لا تنسوا بس يجي والدي.. افتحوا معو الموضوع.. اني
رايحة لعند رفيقتي أقرأ.
باي يا جدي.. باي يا ستي.

(وتخرج فاطمة)

(ينظر الجد أبو غيث والجدّة أم غيث إلى بعضهما...)

أبو غيث: الله يحميك يا بنتي... الله يحميك يا فاطمة... ما أغلى من
الولد غير ولد الولد.

أم غيث: يه... يه... يه.. شو طالع منها هالمفعوضة... الصغيرة...
والله وكبرتي... طالعة حنوني... مثل أبوك... سمعت...
سمعت... يا أبو غيث... شو حكّت هالبنت مين قال... انو
راح يجي اليوم ونسمع هيك كلام من فاطمة... الله
يوفقك... ويحميك ويبعد عنك ولاد الحرام.

أبو غيث: شفّتي يا أم غيث... الحمد لله... زرعنا... وتعبنا..
وحصدنا... الحمد والشكر إلّك... يا رب... الحمد والشكر
إلّك يا رب...

(يدخل غيث... ويمشي ببطء... عندما يرى والده... بيتسم...)

أم غيث: يا هلا... يا هلا... أجي غيث... يا أبو غيث...

أبو غيث: تأخرت... يا ابني... ما إلّك بالعادي.

غيث: لا تقلق على ابنك.. يا أبو غيث... هالساعات اللي... تأخرت
فيها عليكن وعلى فاطمة وقيس كان سببها... سالم... ابن
أبو سالم...

أبو غيث: سالم!.. شو بدو هالفاسد.

غـيـث: لا تستغرب... مثل سالم في كثير... اللي عم يستغلوا
وظائفهم... للأسف الشديد... من شان مصالحن
الشخصية ونزواتن التافهة... بعدو سالم... مش
نسيان... كيف رفضتو زوجتي الله يرحمها... إيه...

الناس وين. وسالم بعدو.. وين...
اللي بيحقد.. فعلاً ما بينسى... وسالم وأبو سالم من
هالناس...

سالم هوي... اللي بعث الشباب على البيت.
وبس... صرت عندن... أخذوني على مكان وخطووا
على عيوني قطعة قماش سودا.. فكرت حالي عامل
شيء بحق البلد...

أبو غيث: الحق معك... يا غيث.. بس يا حيف.. يا حيف... على
ولاد البلد يعملوا ببعض هيك... يا حيف... مثل سالم
كثير... ومثل أبو سالم كثير... بس الشرفاء أكثر..
الشرفاء اللي بيحبو بلدن أكثر.
والبلد راح تتعمر ويزيد حلاها أكثر... بهمة الشباب
وبهمة السواعد السمرء.. لازم نحب بلدنا من داخلنا يا
غيث.

البلد أغلى من الابن .. كل يوم قادرأي أب أنو يجيب
ولد... بس مش كل يوم قادرأي أب أنو يجيب بلد أو وطن
الحمد لله البلد بخير بهمة الشرفاء والناس الوفية..
صحيح عرفت يا ابني أنو أبو مشاري ربح بالانتخابات
ورفض يعطي المسلحين يلي خطفوا ابنو الملايين يلي
طالبوها من شان يرجعوا ابنو إلو.

غيث: طول عمرو هيك أبو مشاري نظيف وراسو مرفوع
وصاحب كلمة حق.. وبلدنا بتستاهل هيك رجل نظيف..
اي والله بتستاهل.

أم غيث: يا ابني بنا نفرح فيك يا غيث.. والدنيا يا بني بدا تستمر..
واتفقت اني وأبوك أبو غيث.

أبو غيث: بنا نفرح يا غيث.. بنا نفرح يا ابني.. والله يا غيث
مش تاقين نفرح.. بيكفينا فش ولا بيت غير ما هوي
محزون ومهموم.. بنا نفرح.. الله يخلينا ياك.
تعي يا أم غيث.. خلينا نشوف إذا صاروا الدبسات.. الله
يديمها علينا نعمة.

أم غيث: قلتك يا رجال خلينا ناخذ العذبات ع المعمل بدكش..
خفت من المشايخ ها...

أبو غيث: أم غيث.. بلا هالحكي الصغير ها... كل إنسان عندو
قناعة برزقو..

غـيـث: (يضحك بهدوء)
(يخرج أبو غيث وأم غيث)

(يبقى غيث لوحده)

(تدخل في هذه اللحظة فاطمة)

فاطمة: في ناس اليوم تأخروا كثير.. على ناس بيحبوهن كثير
.. كثير . كثير ..

(وتأتي إلى والدها غيث.. وتضمه)

غيث: يا هلا.. بالروح.. يا هلا... وين أخوك قيس يا فاطمة؟

فاطمة: عم يلعب جوا.. في موضوع حابي آخذ رأيك فيه.

غيث: تفضلي يا عيون أبوكي.. قولي...

فاطمة: في والد صديقتي عمل حادث وصار معو شلل.

غيث: له له له الله يقدملو الصحة ويشفيه يا رب واجب نروح نسأل عنو ونتطمئن عليه.

فاطمة: في أخوها عم يدور على شغل من شان يساعد أهلو وكل مكان عم يروح عليه عم يطلبوا منو شهادات خبرة هيك قالتلي رفيقتي، طرق باب كثير من الشركات والمؤسسات بس للأسف ما حدا رد عليه.

غيث: خلي رفيقتك تتكل ع الله اني انشالله بكرة رح احكي المدير عنا بلكي يحطوه حارس كوظيفة مؤقتة اسه وبعدين الله بيفرجها.

فاطمة: عشت يا كبير اني رح خبر رفيقتي اسه من شان تفرح. حكا شي معك جدي أو ستي بشي موضوع؟

غيث: (يبتسم) أي موضوع؟

فاطمة: موضوع بخصك.. وكلنا نرح نكون فراحانين إذا كنت
مبسوط وسعيد.

غـيـث: حكوا معي.. اي... الله بيفرجها.. الله بيفرجها.

فاطمة: حقا.. بيبي.. شفت بالتلفزيون الأستاذ خليل يلي من
منطقتنا عم يحكي عن الوطنية...
عند رفيقتي.. قرينا... وبعدين جابت المته.. وحضرنا
اللقاء.
غـيـث: اي شفتو...

فاطمة: شو رأيك بكلامو..

غـيـث: الأستاذ خليل يا بنتي من أول الأزمة سقر ولادوا.. شي
على تركيا.. شي ع ألمانيا.
الوطنية يا بنتي .. حب وإخلاص وشوق للبلد وللأرض..
الوطنية انو نحس أنو بلدنا تعبانى ومريضة ونوقف معها
ونظل صامدين معها..
الوطنية يا بنتي مش شرط نطلع على التلفزيون ونعطي
محاضرات بالوطنية وكلام معسول عن حب البلد...
وأولادن سفروهن ع الخارج.. خافوا عليهم من خدمة
العلم.
عرفتي شو معنى الوطنية.. هي حب وانتماء ووفاء من
جوات الإنسان لبلدو وأرضو..
ها جارنا ابنو أيمن ظل يخدم بالجيش ثمان سنوات وظل
صامد..

وهالشهيد نادر استشهد بعد خدمة ثمان سنوات.. وبعد ما
استشهد اتسرحت دورتو..

الوطنية يا بنتي من جوات الإنسان.. لانو الوطن مالو
ثمن.

يا بنتي مثل الاستاذ خليل وأبو سالم في كثير بهالبلد.

يا بنتي الناس.. بدا حدا يعبر عن همومها ومشاكلها...
الناس بدا عضو مجلس شعب صاحي وشجاع مش يكون
نايم بالمجلس.

الناس صارت تعرف مين الشجاع ومين يلي هموا بس
السيارة والراتب.

أمثال أبو سالم كثير بهالبلد..

ما حدا خطر ببالوا يعمل شي لدار الأيتام... ما حدا خطر
ببالوا يزوروا أهالي الشهداء...

ما حدا خطر ببالوا يحكي عن مشكلة المي... أكثر من
قرية بهالأزمة عطشت...

الناس يا بنتي بدا تحس انو يلي انتخبوا معها بمعاناتها..

الناس بدا تحس انو يلي انتخبوا مثلاً موجود بمحطات
البنزين مع رئيس البلدية وعم يساعدوا مثلاً.. أو عم
يشوف معو على الأقل الزحمة

بس للأسف يا بنتي بلا ما احكي.. بلا ما احكي..

فاطمة: الله يخلي لنا ياك... يا أطيّب وأحن قلب.. تاج راسنا أنت
أبو قيس...

المهم نحنا نعرف لمين نعطي صوتنا.. قصدي أنت
وجدي وستي لانو محسوبتك ما بيحقلا تصوت اسه.

غـيـث: الله كريم.. الأيام جاي والعمر بعدو قدامك.. الله يخليلي
ياكن.. وين راح جدك..
اسه بعد شوي بيجي جدك.. ويحكي عن قهوتو المرة...

(بيتسم ويضم إلى صدره ابنته فاطمة)

(يدخل من بعيد الجد أبو غيث)

أبو غيث: يا غيث (وهو بعيد عنهم) عم تضحك أنت وبنتك انشالله
خير.

يا غيث... عرفت.. كيف بيعملوا القهوة المرة مع الهيل.

غـيـث: لا تذكرني بالموضوع (وهو بيتسم..) اسه بيجوا رفقات
سالم مرة ثانية والله عرفت انو طعم القهوة طيب مع
الهيل... شفتي يا فاطمة... شو قلت إلك (بيتسم).

أبو غيث: يا فاطمة (.. والابتسامة على وجهه). يا جدي... شو
رايك بقهوتي مع الهيل.

غـيـث: فاطمة قولي لجدك انو قهوتك كثير طيبة مع الهيل.

فاطمة: اي والله.. مثل طعمت قهوة جدي ما في.
(تدخل أم غيث)

أبو غيث: شلتي الدبسات من على النار.

أم غيث: اي شلتن يا أبو غيث... بعدين فاطمة ورفقاتها أكبر من
سنن بتفكيرن.. أني اللي ربيت وتعبت وسهرت حتى
صارت هالزهرة حلوة... وبس قلكن التربية أساس كل
شيء... بتصير أنت يا أبو غيث... وغيث...
بتقولوا عني... بلشت أم غيث تعطينا دروس... مثل ما
بيقولوا..

أبو غيث: ذكرتيني يا أم غيث وقت ما كنت شب .. بدي هرجكن
قربوا لعندي...
اي سقالله وقت ما رحت ع الجيش يا فاطمة... والحكي
إلك يا غيث.

غيث: والله حافظ شو بدك تقول.

أبو غيث: أي عطوني أول يوم بصلي ودبة بطاطا مسلوقة
ورغيف خبز وبيضه مسلوقة.
اسقالله هذالك اليوم الله يرحمك يا نعمان.

فاطمة: يا جدي هذا الكلام لأبو نايف بالخربة.
أبو غيث: بعرف يا جدي... اني بعقلاتي بعرف انو هذا الكلام لأبو
نايف بالخربة..
بس اني كان عندي رفيق اسمو نعمان من حماة من بلدة
اسمها عاشق عمر
وبعقلاتي اني يا جدي... وبعرف انو عملو المسلسل عند
قرايينا بذكير
بعندي بعقلاتي.

فاطمة: العمر طويل يا جدي انشالله.

أبو غيث: يا جدي العمر مكتوب.. تعوا ذوقوا دبسات أم غيث اسه.

فاطمة: اسه بيقول إلنا جدي الله يرحمك يا نعمان لو كان عايش
كان قلكن عن دبسات بيو لنعمان انن طيبين.

غيث: يا بنت شوي ع جدك ..

أبو غيث: يا غيث بدك تجي معي بكرة نروح لعند أبو رفيق نشرب
عندو فنجان قهوي.. ونهنيه بسلامة ابنو أبو صقر.

غيث: ليش شو بو أبو صقر..

أبو غيث: أبو صقر كان مسجون ١٥ يوم ونحن ما معنا خبر
للأسف الشديد.

غيث: معقول..

أبو غيث: معقول ونص.. والله يا ابني.. أبو رفيق وابنو أبو صقر
ما بيستاهلو غير كل خير
الله يهدي البال.. واسه تعو نذوق دبسات أم غيث..

(يخرج الجميع)

(يدخل أبو رفيق إلى مضافته... ومعه براد القهوي..)

(يتم سماع صوت من الخارج .. منادياً أبو رفيق)

أبو غيث: يا أبو رفيق.. يا أبو رفيق

أبو رفيق: تفضل.. يا هلا أبو غيث.. وينك يا ابن الحلال.. تفضل
يا أبو غيث.

أبو غيث: حقك يا أبو رفيق... حقك على راسي.. قصرنا معك.

أبو رفيق: حماك الله يا أبو غيث.. حماك الله يلي مثلك ما بيقصر..
أصبح هالأرضات ماخذين كل وقتك.

أبو غيث: لا والله يا أبو رفيق.. بس هالأزمة يلي عم تمر علينا
بهاالبلد ما خلت حدا مرتاح.

أبو رفيق: صدقت يا أبو غيث.. صدقت.. حتى الله وكيلك ما حدا منا
عم يضحك من قلوبو.

أبو غيث: أول شي حمدالله على سلامتو أبو صقر... عرفت مبارح
والله انو كان مسجون.

١٥ يوم تتهنوا بسلامتو يا أبو رفيق.

خبرني يا ابن الحلال .. كيف انسجن .. شو السبب .. شو
القصة.

والله أبو صقر ما في منو .. ومعروف عن وطنيتو وحبو
لبلدو..

هات حكيالي يا أبو رفيق شو صار ..

أبو رفيق: والله يا ابو غيث .. هالازمة يلي مرت على بلدنا .. عرفنا
فيها معنى الفوضى
للأسف الشديد .. كثروا المهربين .. مهربين المازوت
والسلاح .. وتغيرت الناس
وكل تاجر بالسوق سعروا غير .. والطمع خلا الناس ما
تشوف بعضها وما تحس ببعضها ..
ويلي صار مع ابني أبو صقر .. شي بيضحك .. وشي
بيبكي.
من شان موظف فاسد ... حب يعمل لحالو قيمة قدام
معلمو بالكراج ..
راح فيها أبو صقر ١٥ يوم بالسجن.
أخذوه من الكراج بسيارة بيجو ٥٠٤ على الأمن السياسي
ما طلع عليه شي.
بعدين أخذوه على أمن الدولي ما طلع عليه شي ..
اي يا أبو غيث .. لحد اسه ابني مش قادر ينسى أول ليلة
نام فيها بالسجن.
كانت أبشع ليلة بحياتو .. لانو ما كان يصدق حالو انو
رح يصير فيه هيك
منشان موظف فاسد بالكراج كتب فيه تقرير .. بس
الحمد لله .. الحمد لله لولا ما كان القاضي الله يوجهلوا
الخير كان ابني راح فيها ... لا ويا ريت ظلت هيك ..
هذا غير المسبات يلي أكلها ابني .. بلش فيه الموظف أنت
خريج حقوق . عليك وعلى شهادتك ..
ما بدي قللك شو قلو كمان .. بس يا عيب الشوم.
وبنرجع نقول الحمد لله .. الحمد لله على كل شي ...

أبو غيث: وأنت يا أبو رفيق وبين رحى شو عملت.. مين حكيت..
اي والله يا عيب الشوم على هيك موظف..
أبو رفيق: يا أبو غيث.. الله وحدوا بيعلم كيف كانت حالتى...
ما خليت حدا غير وطرقت بابو من شان ابني
رحى لعند قائد الشرطة.. وقتلوا ابني إنسان بيحب
بلدوا..
وهذول مقالات كتبت ابني لبلدوا وللجولان..
ورحى لعند المشايخ.. بس الحمد لله يلى ما خسرت ابني
بجرة قلم من موظف فاسد بدو يعمل لحالو قيمة على
أساس انو إنسان وطنى على ظهر ابني.. ويا ريتك يا أبو
غيث بتعرف شو جريمة ابني كانت...

أبو غيث: لا والله.. ما بعرف غير ما تقول.

أبو رفيق: جريمة ابني كانت انو ساعد واحد مريض مع مرتو
بالكراج وحملوه على الباص.. هوى وشخص ثانى.

أبو غيث: معقول.. كيف.. ما فهمت.

أبو رفيق: معقول ونص.. يا أبو غيث..
شخص مريض جاي مع مرتوا بتكسى على الكراج..
ومش قادر يمشي وبدن ينزلوا على الشام على المشفى
عندو عملية..
رفض المجند يلى على باب الكراج انو يدخلوا لحد
الباصات بالتكسى..
رجعوا المجند بالسيارة..
راح أبو صقر لعند المجند وقلو الزلمي مريض ومش
قادر يمشي..

ما كان يقبل المجند.
اضطر أبو صقر يحملو مع شخص ثاني لحد الباص..
ومرتوا للمريض حملت العكزات لجوزها .. طلع ابني
بالباص...
بعد شوي طلع شب وعلى جنبو مسدس قلو لابني تفضل
معي..
الظاهر راح المجند بسرعة لعند معلمو وقلو انو ابني
سبو..
وبلشو يشتغلوا بابني وأخذوه على كل أفرع الأمن...
وصار ابني بهذيك الساعة تقول أكبر مجرم بهالبلد.
بس برجع قللك يا أبو غيث الله يوفقوا القاضي ويرد عنو
ولاد الحرام.

أبو غيث: والله يا أبو رفيق تتهنوا بالسلامي.

أبو رفيق: الله يسلمك يا أبو غيث.. وأنت كمان حمدالله ع سلامتو
غيث..
عرفت مبارك من هالغانمين هرجوا بهالمضافي..
وعرفت انو ابن أبو سالم ورا هالشغلي يلي صارت
معو...
دخلك يا أبو غيث قولتك لايمتى هالزعران بدن يظلوا
ماخدين راحتن..
الله يهدي البال.
ويرجع ابن جارنا أبو وهيب ابنو انخطف وما حدا
عارف عنو شي.

أبو غيث: شو عم تحكي يا أبو رفيق.

أبو رفيق: اي والله يا أبو غيث.

أبو غيث: انشاء الله يرجع لأهلوا بخير وسلامي.. والله يفك أسروا..
شو حالة أبو وهيب اسه.. والله مش خبرية.. الله يفك
أسروا.

أبو رفيق: الناس الشرفاء خي أبو غيث.. وأنت ممن.. ما بتتغير
نتيجة حقد شخصي.

على موظف فاسد بالدولة.. لانو الوطن أكبر ممن بكثير..
وعايش بروح كل واحد شريف ونظيف..

مثل ابني أبو صقر بهالبلد في كثير ما تغيروا وما تلونوا..
أبو غيث: يا أبو رفيق الناس الشرفاء مش لازم تاخذ بأفعال هذول
الموظفين ضعفاء النفوس.

أبو رفيق: الحق معك يا أبو غيث وكلامك على عيني وراسي..
بس هذول الموظفين ضعفاء النفوس يلي عم نحكي
عنن.. بيخلوا أحياناً بعض الناس يغيروا أفكارن ضد
البلد ويمكن كثير من الناس بهالازمي صاروا معارضيين
نتيجة حقد شخصي على موظف أو على شي مسؤول أو
على شي رجل أمن بهالدولي.. وتحولت أحقادن
الشخصية ضد البلد وضد أمن البلد للأسف الشديد...
بالنهاي الحمد لله يلي ابني ما تحول لمعارض.

أبو غيث: صدقت يا أبو رفيق.. كثير ناس سافرت من هالبلد
وصاروا معارضين نتيجة أحقاد شخصية.. ونسوا فضل
البلد عليهن...

بس يا ريت هالمعارضين بيعرفوا قديش دفعت البلد ثمن
صمودها..

يا ريت هالمعارضين بيعرفوا بس.. مدخل كل قرية من
قرانا كيف صار وتزين بمشاهد الشهدا..
ليش مين منا مش معارض للفساد والرشوة..
مين منا مش معارض للمحسوبيات وها ابن فلان لازم
يتوظف..

مين منا يا أبو رفيق مش معارض كلنا.. كل واحد منا
عندو كرامتو أغلى شي.
أما انو تعارض ضد بلدك وضد جيش بلدك وضد علم
بلدك..

ها ساعتها اسمها ولدنت حرام.
بس بتعرف.. يا أبو رفيق.. الله وكيالك ندنا السوريين
حيرنا العالم كلو.
بصمودنا وبصبرنا وبمحبتنا للبلد.

الحمد لله بعدنا بخير رغم كل شي مر علينا.
بعدا لحد اسه سعر ربطة الخبز.. اخص من كل دول
العالم

بعدو لحد اسه كل موظف عم ياخذ راتبو بنهاية كل
شهر.. هذا غير الزيادي.
كلو هذا يا أبو رفيق... ببلد تأمرت عليه نص دول العالم.

أبو رفيق: صدقت يا أبو غيث ما في مثل بلدنا بالعالم.. الحمد لله
ربنا مع الحق.. ويلي ربنا معو على طول منتصر..
وبلدنا بتستاهل..

ها ابن بنتي نزيير استشهد..
وها ابن فيصل نادر.. وها طليع.. وهايل وحسن وابن
جارنا أبو رجا... جلال
شباب مثل الورد... الله يرحمن ..

والله يا أبو غيث.. الله وكيلك اشتقنا للفرح...
اشتقنا لكل واحد منا يضحك من قلوب.. بكل بيت في
غصة.. يا أبو غيث.

أبو غيث: اي والله يا أبو رفيق بكل بيت في غصة.. صب فنجان
قهوي خليني فل... لانو راسي بلش يوجعني.. بس
تذكرت هالشباب يلي ماتوا من شان هالبلد... قلت بنفسي
بدي روح لعند أبو رفيق وعم قول بنفسي بديش احكي
شي بخص الأزمة... بس يمكن قدرنا نحن السوريين انو
تصير كل أحاديثنا بتخص الأزمة.. والله يا رجل عم
حاول اني ما احكي.. بس مثل ما قتلنا قدرنا نحن
السوريين.

أبو رفيق: صار بدا فنجان قهوي ثاني.. لكان كنت ناوي ما تحكي
بهاالأزمة.

أبو غيث: دايمة القهوي يا ابورفيق ... سلم كثير على أبو صقر..
طل يا أبو رفيق..
طل صوبنا.

(يخرج أبو غيث... ثم يخرج أبو رفيق)
(يدخل شاكر وحامد)

شاكر: بتعرف يا حامد لو ضلينا مع أبو مشاري بحملتو
الانتخابية كان إلنا أحسن.. بس نحنا الطمع عمى..
قلوبنا.

حامد: مش بس الطمع عمى قلوبنا يا شاكر.. الأحلام يلي
خططنا إلها كلها راحت مع الريح... بس مليح يلي أبو
مشاري هوي يلي فاز بالانتخابات مش أبو سالم وجه
النحس.

شاكر: كان لازم من الأول نكون مع أبو مشاري.

حامد: ما حصلنا شي من وقفنا مع أبو سالم بحملنا الانتخابية.

شاكر: كيف ما حصلنا شي... ما عرفنا برنامجو الانتخابي ودبلوماسيتو.

(يضحكان...)

حامد: (وهو يضحك) والله كان قلبي حاسسني انو ما رح نستفيد منو شي.

لانو نيتنا كانت مش سليمة..

كنا حابين يصير معنا فلوس من المازوت والبنزين..

كنا بنا نتعلم من أبو سالم كيف نصبح أغنياء من تجارة الأسلحة.

وقفنا... للأسف الشديد مع الفاسد ضد الصالح

وقفنا مع المرتشي ضد الانسان يلي عنده كرامي..

أمثال أبو مشاري وغيرو.

شاكر: بس دفعنا ضريبة.. كانت أقسى شي.. انو الناس

استحققتنا... لانو بعنا كرامتنا

الله يلعن المصاري وساعة المصاري.

الله يلعن المصاري يلي بتخلي الناس تتغير.

حامد: حاولت حسن وضع عيلتي ما عرفت كيف.. الراتب ما عم

يكفي وغلا التجار بالسوق ما عم يرحم حدا حتى الغني

بهاالزمن ما عم يتصدق بمالوا..

الناس تغيرت ونحنا تغيرنا.. لساعة اجت الفرصة مع أبو

سالم وقت ما رشح حالو للانتخابات.. لانو أبو سالم معوا

مصاري...

ياما مرات أولادي يشتهوا الفروج المشوي ويشتهوا
الموزة وما معي مصاري.
حس بغصه لاني مش قادر جيب الن يلي عم يشتهوه...
من شان هيك اشتغلت مع أبو سالم بحملتو الانتخابية...
لانو أصعب شي انو تكون عاجز ومش قادر تجيب
لولادك يلي بيحبوه..
ها هي الغصة.

شاكر: واني مثلك حاولت حسن وضعي.. شو رح يعمل راتب
موظف.

على بئر المي وخمس ولاد برقبتي وأمي وبي... والكل
بدن ياكلوا ويلبسوا ويدفوا.. ومصاري ما في من شان
اشتري مازوت.. اضطريت روح على الحرش واقطع
شجر وجيب حطب من شان دفي عيالي ودفي أمي...
وبيي.. رح يقول عني الناس سراق يقولوا..
إذا السرقة هيك اني سراق وحرامي.
يمكن اني عم اسرق شوية حطب لدفي أولادي وبي
وأمي
وعم قول إني عم أسرق..
بس يا ترى الناس يلي عم تسرق البلد وخيرات البلد
بتقدر تقول إنها عم تسرق..
من شان هيك جمعتنا الظروف مثلك مع أبو سالم.

(يرن هاتف حامد)

حامد: هلا أبو صابر... كيفك.. شو عم تحكي... وين...
الله يرحمو على قدر ما بيستاھل.. خسارة كبيری.. للفاسدين.

شاكر: مين يلي مات.

حامد: أبو سالم... مات بحادث سيارة على طريق المطار.

شاكر: اسه شو رح نقول عنو بالموقف...

حامد: الله يرحموا وبس.. هذا أبو سالم مات.. وابنو سالم من يومين الأمن كمشوه عم يهرب مازوت وسلاح..

شاكر: ما بدك تشهد فيه بالموقف .. لأبو سالم.

حامد: جنيت شي أنت .. عقلاتك فيهن شي .. قال ما بدك تشهد فيه ... اسه خرينا من جديد يا شاكر نتقرب من الناس ونحب الناس من جوات قلوبنا .. يمكن الفقر هوي السبب.

شاكر: ما إلو علاقة الفقر.. ياما عندك ناس فقرا وما في أطيب من لقمتن.. وياما عندك ناس أغنياء ولقمتن بتكون مرة ع القلب ومش طيبة.

حامد: نحنا كنا فاسدين مشينا مع الفاسد.. بس يا ترى الناس رح تسامحننا يا شاكر.

شاكر: المهم نغير أفكارنا من داخلنا... ونحب الناس بصدق.. ونحس بفقرنا ونحس انو جانا جوعان... ونحس انو جانا بردان.. بس نحس هيك بنكون بلشنا نتغيير من جواتنا.. وساعتها رح نحب الناس وتحبنا

(يخرجان)
(تدخل فاطمة على المسرح وهي تقرأ بكتاب التاريخ)

(تقرأ وصية القائد العام سلطان باشا الأطرش (بصوت جميل).

فاطمة: إخواني وأبنائي العرب..
عزمتُ وأنا في أيامي الأخيرة، أنتظر الموت الحق، أن
أخاطبكم مودعاً وموصياً.
لقد أولتني هذه الأمة قيادة الثورة السورية الكبرى ضد
الاحتلال الفرنسي الغاشم، فنهضت بأمانة القيادة وطلبتُ
الشهادة وأديتُ الأمانة. انطلقت الثورة من الجبل الأشم
جبل العرب لتشمّل وتعمّ، وكان شعارها - الدين لله
والوطن للجميع -
وأعتقد أنها حققت لكم عزة وفخاراً وللاستعمار ذلاً
وانكساراً.

(يدخل في اللحظات الجد أبو غيث ويسمع ما تقرؤه فاطمة ويجلس
بعيداً من دون أن تحس بقدوم جدها)

وصيتي لكم، إخوتي وأبنائي العرب هي أن أمامكم
طريقاً طويلة ومشقة شديدة تحتاج إلى جهاد وجهاد.
جهاد مع النفس وجهاد مع العدو. فأصبروا صبر
الأحرار ولتكن وحدتكم الوطنية وقوة إيمانكم وتراص
صفوفكم هي سبيلكم لرد كيد الأعداء وطرد الغاصبين
وتحرير الأرض. واعلموا أن الحفاظ على الاستقلال
أمانة في أعناقكم بعد أن مات من أجله العديد من الشهداء
وسالت للوصول إليه الكثير من الدماء. واعلموا أن وحدة
العرب هي المنعة والقوة وأنها حلم الأجيال وطريق

الخلاص. واعلموا أن ما أخذ بالسيف، بالسيف يؤخذ، وأن الإيمان أقوى من كل سلاح، وأن كأس الحنظل في العز أشهى من ماء الحياة مع الذل وأن الإيمان يُشحن بالصبر ويحفظ بالعدل ويعزز باليقين ويقوى بالجهاد. عودوا إلى تاريخكم الحافل بالبطولات، الزاخر بالأمجاد لأنني لم أر أقوى تأثيراً في النفوس من قراءة التاريخ لتنبية الشعور وإيقاظ الهمم لاستنهاض الشعوب فتظفر بحريتها وتحقق وحدتها وترفع أعلام النصر. واعلموا أن التقوى لله والحب للأرض وأن الحق منتصر وأن الشرف بالحفاظ على الخلق، وأن الاعتزاز بالحرية والفخر بالكرامة وأن النهوض بالعلم والعمل. وأن الأمن بالعدل وأن بالتعاون قوة. الحمد لله ثم الحمد لله. لقد أعطاني عمراً قضيتَه جهاداً وأمضيته زهداً، ثبتني وهادني وأعانني بإخواني، أسأله المغفرة وبه المستعان وهو حسبي ونعم الوكيل. أما ما خلفته من رزق ومال فهو جهد فلاح متواضع تحكمه قواعد الشريعة السمحاء. سلطان الأطرش

أبو غيث: الله يرحم تراك يا باشا... الله يرحمو.

فاطمة: أنت هون يا جدي...

أبو غيث: اي يا جدي عم اسمعك وانتي عم تقري وصية الباشا...

فاطمة: جدي.. بدي اسألك.. بعرفك أنت مثل بيبي.. بتحبو البلد وتراب البلد..

نحن يا جدي درسنا بالمدارس وتعلمنا من القرآن الكريم عن المساعدة بين الإخوة وعن التعاون وعن نصرة المظلوم وانتو علمتونا.. وتربينا على هيك.. طيب ليش يا جدي الأشقاء العرب... ما ساعدونا وما وقفوا معنا بالحرب يلي اجت ع بلدنا.

أبو غيث: يا جدي طولي بالك شوي قبل ما جاوبك.. خليني اني
وانتي نقرأ الفاتحة أول شي.

(يقرؤون الفاتحة معاً)

أعوذ بالله من الشيطان الرجيم

بسم الله الرحمن الرحيم

الحمد لله رب العالمين . الرحمن الرحيم . مالك يوم الدين . إياك
نعبدُ وإياك نستعين . اهدنا الصراط المستقيم. صراط الذين انعمت
عليهم غير المغضوب عليهم ولا الضالين. (صدق الله العظيم)
أبو غيث: عرفتني ليش قرئت الفاتحة اني وانتي.

فاطمة: لا يا جدي ما عرفت.

أبو غيث: قرئت الفاتحة لأنو الأشقاء العرب ماتو... ماتو... ماتو
الأشقاء العرب..

ماتو... يا جدي..

عن أي عربي بدي احكيلك.. عن العربي يلي ما سمع
صوتنا وصيحات الأبرياء من السوريين..
ولا عن العربي يلي ساعد الغرب بهالحرب علينا وعلى
بلدنا...

ولا عن العربي يلي تقاعس وما عندو نخوة وخاف..
ولا عن العربي يلي باع سوريا بجامعة الدول العربية..
ولا عن العربي يلي عم يشحذ باسم السوريين وناصب
الن خيمة..

ولا عن العربي يلي باع القدس..
ولا عن السوري يلي ترك بلدو وغدر فيها وسافر..
وصاروا بدن يعلمونا الوطنية وهني عايشين بفندق
خمس نجوم.

ولا عن السوري يلي باع بلدو بشويه مصاري.
يا حيف... يا حيف يا جدي على هيك عرب.. يا حيف يا
جدي على هيك عرب.
طول عمرها سوريا ما قصرت مع حدا من إختوها
العرب..
يا حيف على هيك عرب... يا حيف بس.
يا جدي يلي تعلمتوه بالمدارس صحيح... بس التعليم شي
والواقع شي.

فاطمة: يا جدي من كلامك أصبح رح نقول كمان الله يرحم
ميثاق الامم المتحدة وجامعه الدول العربية الله يرحمها..
وقصدك تقول إنو الأشقاء العرب وقت الضيق كانوا
حبر على ورق.

أبو غيث: لا يا جدي... الأشقاء العرب ما كانوا حبر على ورق..
لانو الورق إلو قيمة..
كانوا يلا بلاها... بلاها أحسن.. بلا ما قول يا جدي..
لانو رايح على المجلس بعد شوي..
عم احكي هيك يا جدي... لانو ما في أغلى من الوطن..
كلنا رح نموت بس رح يظل الوطن وتراث الوطن.

فاطمة: (تضحك) فهمت عليك يا جدي... فهمت عليك..
فهمت شو بدك تحكي عن الاشقاء العرب يلا بلاها
بلاها... أحسن..

أبو غيث: الله يحمي هالبلد وشرفاء هالبلد.. وقد ما تأمروا
وتحالفوا الكلاب على سقوط هالبلد.. رح نظل صامدين
ورح نقول بأعلى صوتنا لكلاب الحرب نحنا باقين
ببلدنا وصامدين.

(يدخل الطفل قيس في هذه اللحظة)
(يستمر أبو غيث بالحديث)

تاع يا جدي انتو الأمل.. انتو الأمل للبلد. الله يحمي هالبلد.. ايتمه يا
جدي رح ينمحي من ذاكرتك يلي مر على هالبلد... الله بعين ..
ويحمي هالبلد.

(يتم خروج الجميع ببطء من خشبة المسرح)
(موسيقا هادئة.. ثم تتصاعد الموسيقا..)

(يدخل أبو مشاري)

أبو مشاري: (ومعه أوراق في يديه) الله يقدرني على حمل
المسؤولية
وعلى خدمة الناس يلي وثقت فيني وعطتني صوتها

(يدخل أبو ضاري)

أبو ضاري: هلا عم أبو مشاري.. عم أبو مشاري من شان وضع
أبو علي وعيلتو..
أنت بتعرف انو انصاب بالمعركة وراحت اجرو
وعينو.. والرجال عندو ولاد برقبتو.

أبو مشاري: أبو علي وأمثالو هني يلي دافعو عن هالبلد.. رح
نشوف بلكي الله يقدرنا ونقدر نوظف مرتو بمعمل
السجاد... لانو يا أبو ضاري الجمعيات الخيرية قدرتها
انو تساعد شهر أو شهرين لأي محتاج.. وبالنهاية الله
يعطيهم العافي.

أبو ضاري: والله يا عم أبو مشاري في كثير شغللات بهالمحافظة
لازم الناس الشرفاء يلي مثلك.. تساعد على حل كثير من
قضايا الناس..

يا ما ناس ما في معن ثمن ربطة خبز..
وياما ناس انحرمت من توظيف ولادها..

أبو مشاري: الله يساعد الناس.. الأزمة كمان يا أبو ضاري خلت
الناس تتعب وتجوع..

ولاظم الناس تتساعد مع بعضها وتكون إيد وحدي.. من
شان تنظف هالبلد من الناس يلي عم تسرق وعم تنهب
خيرات هالبلد.

(ويدخل الشاب مشاري الذي كان مخطوفاً)

أبو ضاري: مشاري رجع يا عم أبو مشاري... مشاري رجع.

أبو مشاري: (يحضن ولده) يا هلا بالغالي... كان عندي إيمان انو
رح ترجع.. الحمدلله يا رب... الحمدلله يا ربي.

مشاري: مشتقلكن يا بومشاري... وين أمي مشتقلا.. وينك يا
الغالية.

(يقبل جبين والده)

(ويأتي صوت من الخارج «صوت رجل»)

إلى كل من زرع الأشواك في طريقنا بدلاً من الورود
نقول إليه: سوف تشرق أشعة الشمس دائماً على أحلامنا
الآتية ولن يستطيع أحد أن يحجب عنا ضوء القمر..
وأشعة الشمس.

(صوت امرأة)

إلى كل من استغل وظيفته لغاياته الشخصية ونزواته
وحاول نسيان أهله وأصدقائه وابناء بلده بسبب ذلك
الكرسي نقول له: سوف تشرق أشعة الشمس دائماً على
أحلامنا الأتية... ولن يستطيع أحد أن يحجب عنا ضوء
القمر وأشعة الشمس.

(صوت شاب)

وإلى كل شبر من أرضنا الطيبة... رمز عزتنا
وشموخنا... سيبقى أبناؤك هم السياج الحقيقي للدفاع عن
كل ذرة من ترابك يا بلد... ولن يستطيع أحد أن يحجب
عنا ضوء القمر وأشعة الشمس.

(مع صوت الموسيقى والزغاريد)

(صوت رجل)

اسمع يا وطن..

ورفرف يا علم..

يا وطن..

اسمك حلو... وثوبك حلو.. وصباحك حلو

والتاريخ كتب عنها.. اسمها الأول.. سورية

هي الحضارات.. وأم الأبطال

لعيونها.. انكتب أغاني وأشعار

زينوا الدار...

واسمع يا وطن... صوت النشاما.

